

**JOSE LUIS LIZUNDIA JAUNARI ETA M.^a PILAR LASARTE
ANDEREARI**

EUSKALTZAINDIAK DOMINA EMAN

Iruñean, Nafarroako Jauregian, 1994.03.25

Jose Luis Lizundia Askondo

Esker onez lau hitz esatea nahi nituzke:

Iruinseme naiz duela 55 urte, gerra garaian hiriburu honetan jaio baitnintzen. Benetan eskerrak, ez baitnenkien omenalditxo honen berririk, gutxiago Nafarroako jauregi hau aukeratuko zenutenik.

Pozgarria da, bestalde, beste nafar batekin batera, Maria Pilar Lasarte leitzarrarekin, domina hau hartzea. Biok gara zilarrezko ezteiak ospatzen ditugunak aurtan, Euskaltzaindiaren langile legez, Euskara Batuaren 25 urteekin batera, bestalde. Bera Donostiako ordezkartizan, ni, Bilboko egoitzan. Maria Pilarrekin batera oroitu nahi ditut nire beste lankide guztiak.

Joan den hilean bete ditut, bestalde, 25 urte Euskaltzaindiko idazkariorde erara. Arestirekin batera lehiakide, Baionan izendatua eta Gasteizen, Euskaltzaindiaren 50. urteurrenkari Foru Diputazioan karguaz jabetua.

Oraingo Zuzendaritzari eskerrak emanez batera, Haritschelhar, Lekuona, Knörr, Arana, beste bost izen aipatzea nahi ditut: A. Villasante, 18 urtetan nire/gure buru nagusia, 18 urtetan erromes laiko izan baitnaiz, hilean behin, gutxienez, Arantzura joanez. Izendapen uanean, euskaltzainburu izan zen On Manuel Lekuona. Jose Mari Satrustegi, urte askotan idazkaria; Eusebio Erkiaga, iaz zendua, urte askotan diruzain. Azkenerako utzi dut Juan San Martin, ni idazkariorde proposatu ninduen, oroitzen naiz nola etorri zen proposamen hori egitera Garaiko Udaletxera, hango udal idazkari baitnintzen garai hartan. Eta beste hemen zaudeten guztioi, mila esker.